

Kerweborsch
vum
Hessische Hof
Worfelle


Kerwespruch 1989

Kerwespruch 1989

Seid mer gegrießt, vun nah un fern,
ihr scheene Mädcher un ihr Herrn !
Die Zeit es reif, ehr wißt Bescheid,
wos soll ich soache ehr liewe Leit,
die voarisch Woch', do hob ich's schunn gespiert,
do hot die Modder Heewedeig geriert,
unsern Vadder der duht sich traue,
macht zum Nochber Quetsche klaue,
des kann nur haaße, s'es soweit,
mer honn mol wirrer Kerwezeit !

Im gonze Ort do binne sich/ wie jedesjoahr,
die Mädcher e bunt Schleifche in ehr Hoar,
denn werd es beste Klaad aus'em Schronk gesucht,
un vun de Modder donn de Lippestift versucht,
em Opa duht mer um de Bart rumschmeern,
des duht Oam donn es Kerwegeld bescheern,
denn werd es Däschje sich geschnappt,
un uufgebutzt zum Kerwedonz gedappt ! <
Beim Monfred donn, do geht's erst rischtisch rund,
die Kerweborsch die treiwe's wirrer bunt,
mit ehrne Bändscher un de Kapp,
ja die Kerweborsch die soin uff Zack,
die feiern Kerb un soin beim Donze spitze,
im große Soal do es alles voll om schwitze,
denn die Kerweborsch die singe un soin froh,
woanns haaßt : " DIE WOFELLER KERB ES DO !!! "

Aach desjoahr soin, wie bei uns schunn Sitte,
die Kerweborsch im Spruch net in de Mitte,
sondern de zweite Daal es, wie immer reserviert,
fer des wos de Kerweborsch bassiert !!
Im letzte Jahr noch, hot er mit uns die Kerb gefeiert,
un desjoahr/ ja, do es'er schunn verheiert,
unsern Harald ja der hot's gepackt,
der hot sich die Sabine oigesackt,
doch eh der in de Kerch sol "JA" gesoacht,
do honn mer'n nochmoal rischtisch arm gemoacht,
die meiste vun Eich, die wern's jo wisse,
om Polterowend hot'er gonz schee blute misse,
den Owend wer ich moi Läßdoach net vergesse,
de nächste Moijend aa net - meine Fresse !
Uffroame mit so em Kopp es schlimm,
un wohee donn mit dem Klimbim,



uff de Müllkippe do es Platz, die es groß,
Schlepper un Roll her un donn los,
dort oagekumme kimmt schunn Oaner mit de Schippe,
" Ach los` gut sol, mer kenne unser Roll doch kippe ! "

De Bolze raus un hochgebumt die Sach,
uff oamol duht`s en mächtsche Krach,
de Harald hält sich de Kopp un rollt die Aache,
" Soachmol host du alle Bolze rausgehaache,
orrer es des normal daß des so flutscht,
un glei die gonz Pritsch mitrunnerrutscht ? "
" Nadierlich net, ei so ne Scheiße,
ich kennt mer grod in` Hinnern beiße ! " -
Do honn`se dogestoanne die zwee Dolle,
de Dreck leit do mitsomt de Rolle,
doch fer 10 Mark in die Müllkautkasse,
do honn sich die Aweiter herabgelasse,
mit vereinte Kräfte honn die losgefetzt,
die Pritsch wurd uff die Roll gesetzt,
noach getaner Aweit wurd noch Oan getrunke,
donn honn`se zum Obschied noch emol gewunke,
un gonz zum Schluß, des duht mich jo schunn quäle,
do muß ich jo alle Leit noch verzähle,
wer der Dabbes war, der die Bolze hat vergesse,
un der uff`s Müllobkippe so versesse,
den kennt`er schunn vun weitem seje,
der es Kerwevadder/un duht hier vor Eich steje !!
Un all die Kerweborsch die singe jetzt gonz bieder :
" KERWEBORSCH SOIN LUSTSCHE BRÜDER "




Ehr liewe Leit wos soll ich soache,
moi Lewwer duht mich ploache,
aa moi Zung die es verbabbt,
un damit ich jetz net zommeklapp,
do ruf ich gonz geschafft,
noch em Gloas mit Rääwesaft !

Im Summer in de Urlaabszeit,
do gibt`s bei uns net veele Leit,
die sich e Reise leiste, so mit Pfiff,
e Safari, orrer e Kreuzfahrt mit`em Schiff,
un noch wenischer, die fahrn im dickste Summer,
on de Nordpol un verfriern sich dort ehr Gummer.
Mer in Worfell honn bei uns im Ort,
sogar zwee vun dere Sort,

die honn im Winter sich fern Batze Geld,
uff em Luxusschiff e Stub` bestellt,
so rischtisch mit allem Kummfort un Kummher,
Luxusbett, Schampus, Büffet un Desert,
zum Esse gab`s alles vun Aal bis Makkaroni,
un noachher die Zahnstocher aus echt Mahagoni,
sowoas kenne sich nur die reiche Leit leiste,
es Schiff des war`s greeste un`s neiste vum Neiste,
während de Fahrt, mer werd`s long noch erzähle,
do konnt mer on Bord sogar Minigolf speele.

De Kapitän, des war en junge Borsch,
der war sportlich dorsch un dorsch,
un vum Seefahrn hot der wos verstonne,
fährt mit Ochzeh` Knoten vorneonne,
links un rechts sich schunn die Eisbensch türme.
läßt`er sol Schiff dorch`s Nordmeer stürme,
korz vor Grönlond, wie uff de Titanic,
do kriegts de Käptn mit de Panik,
es kratzt un quietscht om gonze Schiff,
denn gibt`s im Lautsprecher en Pfiff :
"Hier spricht de Käptn, mer sojn uffgeschmisse,
grod äwe hot uns en Eisbensch uffgerisse."
Er war noch netmoal ferdisch schwätze,
die Leit schunn in die Boote hetze,
denn geht`s runner ins kühle Naß,
mette im Summer ja wos en Spaß.
Zum Glick fer all die arme Leit,
gab`s genug Eisscholle weit un breit,
aa die zwee Worfeller saäße ohne des zu wolle,
mit e paar Pinguine uff ner weißen Scholle,
doch zum Glick fer unser Haarespracht,
hot mer alle zwaa on Land gebracht,
denn ohne Frisehr im Ort des duht net geje,
mer den vor laurer Hoarn jo nix me seje,
so honn`s Gerwisch`s des war net bestellt,
e Abenteuerreis` gemocht fer wenisch Geld,
un die Kerweborsch die singe wie noch meh :
" E SEEFAHRT DIE ES LUSTISCH, E SEEFAHRT DIE ES SCHEE !"



Moin Hals es trocke, moi Zung sprüht Funke,
ich glaab, ich muß die Mol in Woi noidunke !
Drum wink ich moim Mundschenk vor Entsetze,
" Geh her, ich muß mol Oaner petze ! "

Will mer mit Fleisch soln Rewwach mache,
do hot mer werklich nix zum lache,


mer muß schaffe es gonze Johr,
 ohne Urlaab, wos ich soach es wohr,
 die Plackerei geht los mi`m Sai oikaafe,
 mer muß vun Pontius bis Pilatus laafe,
 daß mer gute Sai duht krije,
 sunst duht mer glatt de kertzre zije,
 aa de Sunnehof es in dem Geschäft gonz groß,
 alder Monn es in dem Saistall ebbes los,
 alle verzeh Doa fährt`der, meine Fresse,
 zum Sai holle bis noch Owwerhesse,
 do kaaft`er Freggel, Kloane un aa Große,
 wie die Leit om Kerwestond die Lose,
 zum Schluß do lädt`er, des muß soi,
 die Freggel in soim Hänger noi,
 donn rauscht`er los, läßt ordlich Gummi steh,
 " Ich will dehoam noch Oaner drinke geh ! "

Uff de Audobohn, s`werd net gelacht,
 hot`er die link Spur fer sich gepacht,
 un ob un zu, des es`em Oanerlei,
 do läßt`er aa mol Oan vorbei,
 uff oamol werd`er iwwerholt, des duht`em stinke,
 un der Kerl, der duht mit alle Arme winke,
 der fuchtel mit soine Hänn wie dumm,
 gonz narrisch in de Luft erumm,
 gibt Lichthup` wie verrickt,
 de Hännes longsom Bauchweh kriegt,
 es werd doch net, Gewirrer noch enoi,
 ebbes mit moi`m Hänger hinne soi. -
 Er blinkt rechts un hält still,
 weil`er noch de Saischer gucke will,
 do merkt`er schunn beim zähle,
 mer duhn jo drei Stick fehle,
 korzentschlosse fährt`er noch e Stick,
 uff de Audoboahn zurick,
 denn soi Freggelscher, die Junge,
 warn`em aus de Schees gesprunge,
 doch in soim Uglick hat`er Suff,
 alle Sei die war`n wohluft,
 die hann de Hätetest bestonne,
 un de Hennes hat`se all gefonge,
 ja on sowoas sieht mer glei,
 das die sportlich warn die Sai,
 orrer kann veeleicht vun eirer Sippe,
 Oaner bei Tempo Oachzich aus`em Karrn raushippe,
 drum singe mer jetz` wohl bedocht :
 " DO WERD E SAU GESCHLOACHT ! "




Un iwweerhaapt un jedenfalls,
jetzt kratzt's mich in moim Hals,
drum brauch ich jetzt, des muß mol soi,
en Schluck vum gute Kerwewoi !

Es geht em Enn` zu, ehr liewe Leit,
Oan Vers noch, donn es Schluß fer heit ! --
Daß im Ort mer viele Kneipe honn,
des waas net nur de deitsche Monn,
noa ah die Boys vun iwwer`m Deisch,
die stehn uffs Dschörmän Schnitzelfleisch,
un erstrecht dunn die sich hier,
ergötze on em deitsche Bier,
die Amis soin mit harte Dollars gern geseje,
es Owwerdorf duht Owends als voll Audos steje,
beim Monfred es die Bude voll,
die Karin die es vun de Roll,
un die Worfeller die stehn trocke,
soloang wie harte Dollars locke !
Doch letzt do es dem Monfred wos bassiert,
des gab's noch nie, drum honn mer's glei nodiert,
do warn doch 110 Amis oagemeldt`,
un hann aa 110 Esse mitbestellt,
die Karin die es gerennt wie bleed,
damit es Esse pinktlich uff de Dische steht
aa die Lisbeth die kam ins Schwitze,
nur de Monfred tat om Biffée sitze,
der hot sich im Geist schunn vorgestellt,
wos mer wohl macht mit so`m Houfe Geld.
Wie's soweit war, um Uhres Oacht,
war es Esse schunn gemoacht,
doch wer net kam, des war jo's beste,
des warn die oagemeldte Gäste !
Em Monfred dem wurd immer flauer,
un mit de Zeit do wurd'er sauer,
" Wonn die jetzt net kumme, so e Sauerei,
do es es mi`m warte glei vorbei !"
Sie soin net kumme, ja so en Schmarrn,
die Kerl die hann do grad Alarm,
un die Karin die hot fast geflennt,
hat en Anruf vun dene glatt verpennt,
do honn`se donn die gute Sache,
ehr Leit jetz kennt'er lache,
wos mer vum Monfred garnet denkt,
in de Wertstub on die Leit verschenkt !
Ja Monfred des war vun der en scheene Zuuch,
veeleicht machste jo nochemol den Versuch,



Donn sei so gut un nemm der Zeit,
 un soach uns vorher mol Bescheid,
 do esse mer, wos gibste un wos hoste,
 selbstverständlich alles uff doi Koste !
 Drum singe mir dir, noach soviel Quale :
 " WER SOLL DAS BEZAHLE ... ? "

Om End soin ich jetzt mit moim Spruch,
 ich glaab des war fer desjohr aa genuch,
 doch äwe do fällt mer noch wos oi,
 des muß noch schnell mit'noi,
 ich woll nur korz erwähne,
 horcht zu un fongt net o zu gähne,
 denn neilich do es Oaner, des es de Wahn,
 mi'm Bulldog uff die Audobohn gefahrn,
 noach Gere hät'er Gummern liefern solle,
 un zurick do hot der Dolle,
 gonz frech e Obkerzung genumme,
 mer sieht en uff die Schnellstroß brumme,
 doch zum Glick es alles gut gegonge,
 sunst deht mer aa moin Vers net longe,
 un es der vielen Mühe Lohn,
 im Spruch jetzt aa de Sohn,
 vun dem Bauer mit soine Freggel,
 der Frank der es veeleicht en Säggel !



E ernst Wort des werd jetzt noch gered',
 do krije unser Kollege glei ehr Fett,
 ehr Kerborsch vum Schitzehof,
 glaabt nur net mer wärn doof !!
 Oans des will ich Eich hier soache,
 mer honn uns all die Johrn vertroache,
 doch wenn ihr's oalegt uff'en Streit,
 donn soach ich's eich ehr Leit,
 mer wolle Ruh un Friede ho,
 des war bei uns schunn immer so,
 drum greift eich on eier Gummer,
 un macht uns blos koan Kummer,
 damit mer wie schunn long, ehr Dolle,
 die Kerb mi'm Spielmonnszuuch obholle,
 ün net wie ihr des schunn browiert,
 jed' Badie alloh maschiert,
 un de Spielmonnszuuch soll sich entscheide,
 'Wen kann ich donn om beste leibe ?'
 Also lost's eich gesoht soi, un seit net bees,
 mer wolle doch koan Streit, des wär doch Käs' !



Ich soin ferdisch, drum mach ich Schluß,
 weil ich heit noch ebbes leiste muß,
 heit Owend steh ich wirrer on de Spitze,
 beim Monfred muß ich nochmol schwitze,
 mer dunn Donze bis die Hitt duht krache,
 un aa die Stimmung wern mer mache,
 es werd dorschgehalte bis moje frieh,
 denn miedwern duhn on Kerb mer nie !
 Un aa de Monfred kriegt e long Gesicht,
 wonn bei ehm die Bud` zusommebricht,
 die Karin kann vor laurer renne,
 schunn gar koa Geldschoi meh erkenne,
 aa die Ingrid die hot ehr Soije,
 `Wie werd donn des erst moije ?
 Na prima werd`s des es doch klar,
 solong die Kerweborsch noch da,
 drum loade mer eich alle oi,
 schmeißt eier Soije in de Rhoi,
 un seid munter un aa froh,
 wonn`s haaßt : " DIE WOFELLER KERB ES DO ! "

